

წინამდებარე ხელშეკრულება დაიდო 2013 წლის "19" "12" ქ. თბილისში

დამკვეთი: საქართველოს შინაგან საქმეთა სამინისტრო, საფინანსო-სამეურნეო დეპარტამენტის დირექტორის ვლადიმერ ხატიაშვილის სახით.

მისამართი: ქ. თბილისი, გ. გულუას ქუჩა №10

საბანკო რეკვიზიტები: სახელმწიფო ხაზინა. საიდენტიფიკაციო კოდი 204383176

- შემსრულებელი: არასამეწარმეო მედია კავშირი „ობიექტივი“ საიდენტიფიკაციო კოდი: 404 385 465

- მისამართი, ტელეფონი: ქ. თბილისი, კმეზი კაპაბაძეების ქუჩა №2

- გამგეობის თავჯდომარე: ირაკლი ცილიკიშვილი

- საბანკო რეკვიზიტები: ს/ს „თიბისი ბანკი“ ბ/კ: TBCBGE22 ა/ა: GE57 TB72 6073 6080 1000 01

ერთი მხრივ, დამკვეთი და მეორე მხრივ, შემსრულებელი ადასტურებენ, რომ მათ შორის მიღწეულია შეთანხმება შემდეგზე:

### 1. ხელშეკრულების საბაზი

1.1 შემსრულებელი იღებს ვალდებულებას ხელშეკრულებაზე თანდართული დანართი №1-ის შესაბამისად უზრუნველყოს შინაგან საქმეთა სამინისტროს მიერ მიწოდებული სარეკლამო მასალის ტელეკომპანია "ობიექტივი"-ს ეთერში განთავსება.

### 2. ხელშეკრულების ფასი

2.1. ხელშეკრულების ჯამური ღირებულება შეადგენს:

5,000.00 (ხუთი ათასი) ლარს.

(თანხა ციფრებით და სიტყვიერად)

2.2. ხელშეკრულების ფასი შეიცავს შემსრულებლის ყველა ხარჯს, დაკავშირებულს მომსახურებასთან, მათ შორის კანონმდებლობით დადგენილ ყველა გადასახადს.

2.3. ფასების შეცვლა შესაძლებელია მხოლოდ მხარეთა წერილობითი შეთანხმების საფუძველზე საქართველოს კანონმდებლობით გათვალისწინებულ შემთხვევებში.

### 3. მომსახურების გაწევის წესი

3.1. დამკვეთი უფლებამოსილია მომსახურების გაწევის დროს ჩაატაროს შემოწმება/ტექნიკური კონტროლი, რისთვისაც გამოყოფს უფლებამოსილ პირს შსს ადმინისტრაციის საზოგადოებასთან ურთიერთობის სტრატეგიის სამსახურის უფროსს სოფიო ტორჩინავას, რომელიც აგრეთვე უფლებამოსილია ჩაატაროს ხელშეკრულების პირობების შესრულების ინსპექტირება და უზრუნველყოს გაწეული მომსახურების მიღება-ჩაბარება, ხოლო შემსრულებელი ვალდებულია ხელი შეუწყოს მას ინსპექტირების ჩატარების დროს.

3.2 ხელშეკრულების პირობების გათვალისწინებით შემსრულებელი იღებს ვალდებულებას განახორციელოს ამ ხელშეკრულებით გათვალისწინებული მომსახურება 2013 წლის 19 დეკემბრიდან 2013 წლის 23 დეკემბრის ჩათვლით.

3.2. მომსახურების გაწევა დასტურდება ორივე მხრის მიერ ხელმოწერილი მიღება-ჩაბარების აქტით.

#### 4. ანგარიშსწორების წესი

4.1. დამკვეთი იღებს ვალდებულებას გადაუხადოს შემსრულებელს ამ ხელშეკრულებით განსაზღვრული ანაზღაურება, მომსახურების გაწევის შემდეგ 20 კალენდარული დღის განმავლობაში კანონმდებლობით დადგენილი შესაბამისი დოკუმენტაციის წარმოდგენის საფუძველზე.

4.2. ანგარიშსწორების ვალუტა - ლარი.

4.3. გადახდის ფორმა: უნაღდოდ

#### 5. მხარეთა ურთიერთვალდებულებები და პასუხისმგებლობა

5.1 დამკვეთი იღებს ვალდებულებას აუნაზღაუროს შემსრულებელს ხელშეკრულების ფასი ხელშეკრულების პირობებში ასახულ ვადებში და ფორმით.

5.2 ხელშეკრულებით ნაკისრი ვალდებულებების შეუსრულებლობის ან არაჯეროვნად შესრულების შედეგად მიყენებული ზარალისათვის მხარეები ერთმანეთის წინაშე პასუხს აგებენ საქართველოს მოქმედი კანონმდებლობის შესაბამისად.

5.3 დამკვეთს მოთხოვნის შემცირების ან შეცვლის შემთხვევაში არ ეკისრება არანაირი ფინანსური ვალდებულება.

5.4 დამკვეთი უფლებამოსილია მომსახურების ვადის გადაცილების შემთხვევაში დააკისროს შემსრულებელს საურავი ყოველ გადაგადაცილებულ დღეზე დროულად შეუსრულებელი მომსახურების ღირებულების 0,2 %-ის ოდენობით.

5.5 დამკვეთი უფლებამოსილია, შემსრულებლის მხრიდან ხელშეკრულებით ნაკისრი ვალდებულებების სრულად შეუსრულებლობის შემთხვევაში, შემსრულებელს დააკისროს ჯარიმა შეუსრულებელი მომსახურების ღირებულების 3% -ის ოდენობით.

#### 6. ფორს-მაჟორი

6.1. ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას თუ მისი ვალდებულებების შეუსრულებლობა არის ფორს-მაჟორული გარემოებების შედეგი.

6.2. ამ მუხლის ფარგლებში "ფორს-მაჟორი" ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არის დაკავშირებული მიმწოდებლის შეცდომებსა და/ან დაუდევრობასთან და რომელთა გათვალისწინებაც შეუძლებელი იქნებოდა წინასწარ. ასეთი გარემოება შეიძლება გამოწვეულ იქნას ომით, სტიქიური მოვლენებით, ეპიდემიით, კარანტინით, საბიუჯეტო ასიგნებათა მკვეთრი შემცირებით და სხვა.

6.3. ფორს-მაჟორული გარემოებების დადგომის შემთხვევაში იმ მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუზიაროს მეორე მხარეს წერილობითი შეტყობინება ასეთი გარემოებების დადგომის და მათი გამომწვევი მიზეზების შესახებ არაუგვიანეს 10 კალენდარული დღისა. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობის მიხედვით

გრძელდეს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებების ზეგავლენისაგან.

7. სხვა პირობები

7.1. ეს ხელშეკრულება ძალაში შედის მხარეთა უფლებამოსილი წარმომადგენლების მიერ ხელმოწერის დღიდან და მოქმედებს 2014 წლის 15 თებერვლის ჩათვლით და/ან მხარეთა მიერ თავის მოვალეობების სრულ შესრულებამდე.

7.2. მხარეთა შორის სადაო საკითხები წყდება მხარეთა მოლაპარაკების გზით. შეთანხმების მიუღწევლობის შემთხვევაში საკითხს განიხილავს სასამართლო.

7.3. ხელშეკრულებაში დამატებების და/ან ცვლილებების შეტანა შესაძლებელია მხოლოდ წერილობითი ფორმით მხარეთა უფლებამოსილი წარმომადგენლების ხელმოწერით.

7.4. დაუშვებელია ნებისმიერი ცვლილება, რომელსაც მოყვება ხელშეკრულების ფასის გაზრდა ან დამკვეთის პირობების გაუარესება გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა.

7.5. ორივე მხარე უფლებამოსილია მოშალოს ეს ხელშეკრულება ცალმხრივად, თუ მეორე მხარე ვერ უზრუნველყოფს თავის ვალდებულებების ჯეროვან შესრულებას ან მოქმედი კანონმდებლობით გათვალისწინებულ სხვა შემთხვევაში.

მხარეები არსებითად ეთანხმებიან ხელშეკრულების პირობებს და ყოველივე ზემოთქმულის დასტურად გააფორმეს წინამდებარე ხელშეკრულება საქართველოს კანონმდებლობის შესაბამისად ამ დოკუმენტის თავში მითითებულ დღესა და წელს.


დამკვეთის მხრიდან:

შემსრულებლის მხრიდან:


შსს საზინანსო-სამეურნეო დეპარტამენტის  
დირექტორი

არასამეწარმეო მიღია კავშირი  
„ობიექტივი“-ის ბანკიონის თავჯდომარე

ვლადიმერ ხატიაშვილი



ირაკლი ცილიკიშვილი



**დანართი №1. სარეკლამო რგოლის განთავსება  
არასამეწარმო მედია-კვშირ „ობიექტის“ ეთერში**

სარეკლამო რგოლის ხანგრძლივობა: 50 წამი.

„ობიექტის“ სათეურო გადაცემები	ეთერის მსვლე- ლობა	გადამცემის დასაწყისი ÷ დასასრული	სარეკლამო რგოლის გაშვების ინტერვალი	სარეკლამო რგოლის დირექტორი - 1 წუთი, ლარებში (დ.დ.გ.-ს გარეშე)	მაუწყებლობის გავრცელების საშუალებანი			
					Turksat 2A	საკაბე- ლოები	FM 105.0 თბილისი	Internet TV
„სადამო ობიექტის“ (ნაწილი I)	Live	18:30-19:25			+	+	+	+
ტობარი/რეკლამა გადაცემებს შორის			19:25-19:30	150	+	+	+	+
„სადამო ობიექტის“ (ნაწილი II)	Live	19:30-20:25		150	+	+	+	+
ტობარი/რეკლამა გადაცემებს შორის			20:25-20:30	150	+	+	+	+
სადამო თემბატური გადაცემა №1	Live	20:30-21:25		150	+	+	+	+
ტობარი/რეკლამა გადაცემებს შორის			21:25-21:30	150	+	+	+	+
სადამო თემბატური გადაცემა №2	Live	21:30-22:25		180	+	+	+	+
ტობარი/რეკლამა გადაცემებს შორის			22:25-22:30	180	+	+	+	+
„ობიექტის დამოსტუდია“ (ნაწილი I)	Live	22:30-23:25		210	+	+	+	+
ტობარი/რეკლამა გადაცემებს შორის			23:25-23:30	210	+	+	+	+
„ობიექტის დამოსტუდია“ (ნაწილი II)	Live	23:30-00:25		180	+	+	+	+
ტობარი/რეკლამა გადაცემებს შორის			00:25-00:30	180	+	+	+	+
<b>1 დღის დირექტორი (ლარი, დღგ-ს გარეშე)</b>				<b>850 ლარი = 1020 ლარი x (50წმ. : 60წმ.)</b>				

გაშვების პერიოდი: 5 დღის განმავლობაში 2013 წლის 19 დეკემბრიდან 23 დეკემბრის ჩათვლით.

განთავსების რაოდენობა	5 დღის სავიწრო დირექტორი (ლარი, დღგ-ს გარეშე)	ფასდაკლება %	გადასახდელი თანხა (ლარი, დღგ-ს ჩათვლით)
30 = 5 x 6	4,250 = 850 x 5	0.3%	5090 ლარი x 0.3% = 1527 ლარი 4,250 x 1.18 x (100% - 0.3%)

გადასახდელია ხუთი ათასი ლარი და 0 თეთრი.

